

〔續日本紀九聖武〕神龜三年十月辛亥、行幸播磨國印南野、甲寅、至印南野邑美頓宮、從駕人播磨國郡司百姓等、供奉行在所者、授位賜祿各有差、又行宮側近明石賀古二郡百姓、高年七十已上、賜穀各一斛、曲赦播磨界內大辟已下罪、癸亥、還至難波宮、庚午、以式部卿從三位藤原朝臣宇合、為知造難波宮事、陪從無位諸王六位已上、才藝長上并雜色人、難宮官人郡司已上、賜祿各有差、癸酉、車駕至

自難波宮、原本有誤脫、據日本紀略補正

〔續日本紀二十六稱德〕天平神護元年九月庚戌、遣使造行宮於大和河內和泉等國、以欲幸紀伊國也、癸

丑、以從二位藤原朝臣永手、正三位吉備朝臣真備、為御裝束司長官、從四位下高岳連比良麻呂、從五位上豐野真人出雲、大伴宿禰伯麻呂、為次官、判官四人、主典四人、十月庚申、遣使固守三關、辛未、行幸紀伊國、以正三位諱仁光為御前次第司長官、從五位下多治比真人乙麻呂、為次官、正四位下中

臣朝臣清麻呂、為御後次第司長官、從五位下藤原朝臣小黑麻呂、為次官、各判官二人、主典二人、正四位下藤原朝臣繩麻呂、為御前騎兵將軍、正五位上阿部朝臣毛人、為副將軍、從三位百濟王敬福、為御後騎兵將軍、從五位下大藏忌寸麻呂、為副將軍、各軍監三人、軍曹三人、是日到大和國高市郡小治田宮、壬申、車駕巡歷大原長岡、臨明日香川而還、癸酉、過檀山陵、詔陪從百官、悉令下馬、儀衛卷其旗

幟、是日到宇智郡、甲戌、進到紀伊國伊都郡、乙亥、到那賀郡鎌垣行宮、通夜雨墮、丙子、進到玉津島、丁丑、御南濱望海樓、奏雅樂及雜伎、權置市鄺、令陪從及當國百姓等任為交關、庚辰、詔曰、紀伊國今年調庸皆從原免其名、草海部二郡者、調庸田租並免、又行宮側近高年七十以上者、賜物、犯死罪

以下皆赦除、但十惡及盜不在赦限、又國司國造郡領及供奉人等、賜爵并物有差、授守從五位上小野朝臣小贊、正五位下、掾正六位上佐伯宿禰國守、散位正六位上、大伴宿禰人成、並從五位下、騎兵出雲大目正六位上、坂上忌寸子老、外從五位下、名草郡大領正七位上、紀直國栖等五人、賜爵人四級、自餘

五十人各有差、叙牟婁采女正五位上、熊野直廣濱從四位下、女孺酒部公家刀自等五人、各有差、